

Autoridade Bankária & Pagamentu Timor-Leste nian (ABP)
Banking and Pyments Authority of Timor-Leste

Relatóriu Trimestráal Fundus Petróleu nian

Trimestre ne'ebe hotu iha 30 Juñu 2008

KOMUNIKADU IMPRENSA

Autoridade Bankária do Pagamentu (ABP) ohin lansa Relatóriu Trimestráal ba dala **sanulu resin rua** kona ba Fundus Petróleu Timor-Leste nian ne'ebé hatudu katak Kapitál fundus nian iha 30 June 2008 hamutuk millaun \$3.203,07 kompara ho millaun \$2.629,96 iha fim Marsu 2008.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun US\$598,81 ne'ebé kompostu husi kontribuisaun kontribuente sira ba Fundus ne'e hamutuk millaun US\$ 246,35 no kontribuisaun realeza (*royalty*) sira husi ADTT (*Autoridade Designada Tasi Timor*) hamutuk millaun US\$352,46.

Jurus fundus ne'ebé hetan hamutuk millaun USD\$26,59 durante trimestre ne'e, enkuantu mudansa iha valór merkadu nian hamutuk millaun -USD\$52,03.

Rendimentu kona-ba Fundus Petrolu durante trimestre ne'e mak -1,00%, enkuantu Rendimentu referência (*benchmark return*) durante trimestre mak -1,02%. Rendimentu portfoliu durante trimestre ne'e mak pontu baze 2 boot liu duké rendimentu referência (*benchmark*) ne'ebé mak iha mandatu ± 25 pontus baze nia laran.

Total hamutuk rihun \$260.69 deduz ona husi Fundu ne'e ba kustu jestaun nian durante trimestre ne'e.

Lei Fundus petróleu nian espesifika katak Autoridade Bankaria do Pagamentu nu'udar Banku Sentráal Timor-Leste iha futuro, mak nu'udar ajente ne'ebé responsavel ba jestaun operasionál fundus Petroleu nian. Ministériu Finansas responsavel ba establesimentu estratéjia investimentu tomak ba Fundus. Mandatu ne'ebé mak fornese ba Autoridade Bankaria do Pagamentu mak atu maneja fundus ho Indisé Merrill Lynch tinan 0-5 ou ho durasaun husi tinan zero to'ó tinan lima iha merkado instrumento finansas Governu Estadus Unidus. Autoridade Bankaria do Pagamento maneja ona portfoliu besik liu ho pontu referensia trimestre dala sanulu resin ida dahuluk. Diferensia entre portefoliu no pontu referensia hahú husi inísiu fundus nian mak pontu baze -3 iha meta mandatu ± 25 pontus baze nia laran.

Pontu importante husi Relatóriu Trimestre ba dala XII, ne'ebé kobre período 1 Abril too 30 Juñu 2008, inklui:

- Saldo balansu inísiu hamutuk millaun \$2.629,96
- Reseita brutu durante trimestre ne'e hamutuk millaun \$598,81 ne'ebé kompostu husi reseita kontribuente sira hamutuk millaun USD\$246,35 no reseita realeza husi ADTT (*Autoridade Designada Tasi Timor*) nian hamutuk millaun \$352,46 husi ne'ebé osan-

kontadu ne'ebé mak sai hamutuk rihun USD\$260,69 ba taxa jestaun nian durante trimestre ne'e. Osan-kontadu líkidu ne'ebé tama hamutuk millaun US\$598,55.

- Rendimentu portfolio mak -1,00% durante trimestre no rendimentu referensia (*benchmark*) mak -1,02%, signífika katak rendimentu Fundu nian boot liu rendimentu padrão referensia.
- Rendementu investimentu durante trimestere ne'e mak \$-25,44 millaun kompostu husi jurus titulus nian \$26,59 millaun e alterasaun valor titulus mak millaun -\$52,03.
- Saldo balansu ikus hamutuk millaun US\$3.203,07.

Tuir natureza mandatu investimentu Fundu Petroleu, sei iha trimester balun nebe variasaun merkadu kurtu prazu (*short term market variation*) sei produz rezultadu negativu, no entre sira ne ida mak trimestre Juñu 2008. Ida nee hanesan rezultadu espetativa ba Fundu nebe investe ho objetivu longu prazu maibe relata trimestralmente. Rezultadu nebe fraku iha trimestre agora kompensa ho rezultadu excelente/diak nebe hetan husi trimestre seluk, izemplu ida mak iha trimestre dahuluk (primeiru) tinan ida nee registu rezultadu positivu nebe boot tebes (rezultadu likidu \$64 millisaun, enquanto valorizasaun merkadu mak \$44 milliaun). Iha tempu balun, rezultadu positivu sei okasionalmente kompensa ho rezultadu negativu.

Durante periodu nee, projetu numeiasaun Kustodia Global ho assistensia peritus kompania konsultor internasional ida (Mercer) konklui ona iha fim fulan Maiu 2008 ho numeiasaun JPMorgan hanesan Fundu nee nia Kustodia Global hodi suporta Governu nia intensaun atu divesifika riku soin Fundu Petroleu ba retornu (*yield*) nebe aas liu.no atu reduz exposure Fundu nian ba klaze riku soin (*asset*) ida deit.

Tuir negosiasaun kontratu inkonkluziva ho Banku Internasional ba Rekonstrusaun no Dezenvolvimentu (BIRD-refere hanesan Banku Mundial) hanesan jestor externu naun komersial, prosesu negosiasaun termina ona iha Juñu.

Prosesu negosiasaun kontratu ho Banku Internasional Settlement (BIS) nudar jestor externu naun-commercial sei kontinua.

Diretur Ezekutivu Departementu Fundu Petroleu iha ABP nian kontinua partisipa iha Grupu Servisu ida nebe estabese husi Ministra Finansas nian ho objetivu atu hare fali alokasaun estrátégiku óptimu patrimóniu (*optimal strategic asset allocation*) nian iha limite Lei Fundu Petróleu nia laran no atu sujere mudansas nebe apropiadu iha konvensaun (*rules*) investimentu no instrumentus qualifikadu iha Lei Fundu Petróleu nian nomos respetivamente iha Akordu Jestaun nia laran.

ABP kontinua ho prosesu selsaun gestores externus naun komersiais.

Relatóriu trimestrál ne'e, nu'udar mós lei Fundus Petróleu nian no Akordu Jestaun, disponivel husi sítiu Autoridade Bankária & Pagamentu www.bancocentral.tl

Ba informasaun adisionál bele hetan husi:

Venancio Alves Maria
Diretór Ezekutivu
Jestaun Fundus Petróleu nian,
Autoridade Bankária & Pagamentu Timor-Leste nian
Korreiu-Eletróniku: venancio.maria@bancocentral.tl

Telefone: +(670) 3313718

Dili, 8 Maiu 2008